

Nan lo bin na Oranjestad, Savaneta y Santa Cruz!

GOBIERNO A DICIDI PA CONSTRUI TRES PISCINA



ORANJESTAD (AAN): Informacion cu Ministro di Deporte Dr. Lili Beke-Martinez a suministra ta muestra cu Consejo di Ministranan den nan reunion di 1 di Maart 1996, a tuma decision pa construi tres piscina na Aruba.

Gobierno ta bay traha e piscinanan aki, y uno lo bini na Oranjestad, segundo na Savaneta, y tambe uno na Santa Cruz.

Ministro Beke ta bisa cu e ta contento cu Ministro di Finanzas ya caba a pone un milyon Florin disponible pa cuminsa cu e construccion di un piscina. Den e decision di Consejo di Ministranan a worde dicidi cu tur tres piscina lo cana pareu cu otro, y esaki lo bay encamina estre-

chamene cu Zwembond y cu Ministro di Deporte lo planea e "time-limit" pa tur esaki.

DIARIO a compronde cu ya caba Gobierno a tuma contacto cu e.o. VROM y Fundacion Lotto pa Deporte pa mira con por cuminsa traha mas pronto posible riba e piscinanan aki.

Di banda di Fundacion Lotto pa Deporte, tin apoyo disponible pa cuminsa cu un piscina.

ZWEMLES: Pa loke ta trata les di landamento pa muchanan na school basico, esey ta un hecho caba pa varios aña y e ta den full swing na e momentonan aki.

Ministro Dr. Lili Beke ta bisa cu como Ministro di De-

porte y Hubentud, e ta orguyoso cu atrobe nan lo bolbe cumpli cu otro promesa, cual ta piscina pa e muchanan di school y comunidad, cual proyecto nan no tabatin e pri-

oridad ni interes pa parti di Gobierno anterior y especificamente e Ministro di Deporte di Gobierno Oduber II.

"Conhuntamente cu Fundacion Lotto pa Deporte, mi lo

sigui pone prioridad na nos Deporte y Hubentud cu ta e base firme y solido pa un Aruba liber di droga y abuso di alcohol," Ministro Beke a bisa.

PADU TA RECORDA SHON A EMAN

ORANJESTAD (AAN): "Nos Dios Tata Todo Poderoso a bendicionami cu suficiente pa por a experiencia e dia aki". Cu e palabranan aki Padu Lampe a inicia su recordatorio emocional di su primo y amigo Shon A Eman.

Padu a recorda cu apenas e tabata un hoben adolescente ora cu inspira y motiva pa defunto Henny Eman y Shon A Eman e tabata dirigi su mes den tur distrito di Aruba pa duna lo mihor cu e por a dura na nan causa, e causa di Aruba: su talentonan musical.

"Cu Henny na timon mas nunca nos lo perde den tempo di eleccion", nos tabata canta cu curazon yen, Padu a recorda.

Y enberdad, e a expresa, nos a gana respect y reconocimiento pa e lucha pa Aruba su autodeterminacion y nos a logra tambe autonomia insular, pero e realizacion completo di e lucha Henny y Shon A no a biba pa mira.

"Historia ta bay manera destino ta determina. Hamas mi a spera cu mi mester a tuma despedida di mi primo y amigo Shon A ariba un edad asina hoben".

Mescos cu e hombernan cu ta para akinan awe y centenares di otro nan cu no ta cu nos mas, nos a mira di hopi cerca con Henny y Shon A, tata y jiu, a dedica nan vida na e causa Arubano.

Shon A lo tabata orguyoso awe si e tabata sa cu e nombenan di e Arubianonan cu asina tanto e tabata stima awe ta para asina cerca di dje, caminda casi 50 aña pasa nan a para: banda di dje.

Den number di e 2147 firmantenan Padu a expresa palabranan di gradicimento na Fundacion 18 di Maart y famia Eman cu den e monumento 18 di Maart a mira importante pa pone den cercania di Shon A, su amigonan, su sostenedorman y sostenedor nan di su lucha.

"Nos ta orguyoso cu nos nombenan ta graba akinan pa eternidad y nos ta orguyoso cu nos ta companja nos amigo



y lider Shon A Eman na e lugar di su reconocimiento", Padu su voz a resona cu emocion carga di un lucha y patri-

otismo, carga ainda cu stimacion profundo pa su primo y amigo Shon A Eman.

ANNJERU BOUTIQUE

SERO BIENTO 49-A TEL: 51979 - 71979 (net pazuid di Hooiberg)



NOS A RICIBI MERCANCIA BUNITA DEN TUR SIZE PA DAMAS CABALLEROS Y MUCHA. NOS A RICIBI SETNAN DEFTIG, CASUAL, SPORTIEF TE SIZE LARGE 3X, PA DAMAS STRECHPANTS, BLUSA, SAYA, SHORT, FLANEL, FLANEL, JEANS, PA CABALLERO CAMISA, CARSON, COLOGNIA, FANTASIA Y MUCHO MAS.

THE BULL BRAKE AND CLUTCH SHOP

Awor nos ta ofrece servicio di cambia: Brakeshoe. Pads y Clutch.

Di e tamaño mas chikito te cu esun mas grandi di truck of equipo pisa. Tambe ta corta disc y hub te tamaño di 28"(inch). Nos productionan ta di calidad superior(made in U.S.A.).

Inspection ta gratis. Nos ta duna prijs di antemano. Pasa of yama na telefoon: 22444 L.G. Smith Blvd. #124 parti patras, den edificio di Cempro Technica N.V.

SINUS n.v.

- Engineering & Installation
- Electrical

ELECTROTECHNISCHE BUREAU ZOEKT

CAD TEKENAAR

MET ERVARING.

SOLICITATIE TE

RICHTEN NAAR SEROE
BIENTO #47 TEL: 51457